

www.BibleForChildren.org

Mateus 8



Kyze petok zuruze Sesus mysukzawy bo niukuru. Mywanu horokwy myikaha Kanaã eze. Kanaã Karireja eze niy. Sesus je imyikaha bo niukuru. Sesus tuk zinymyrykynahatsa kino niwatihi imyikaha bo niukurunaha.



Tapara zihitsa ispe niy: — Pany! Kamyikaha bo tynaha — niy. Yhỹ niaha. Iwaze simyikaha bo niaha.



Kyze duabohotsa tsik zikukunaha. Iwaze duabohotsa tsik nipykze Sesus je tihi tatse pe niy: — Katse duabohotsa tsik nepykba — niy. Niytatsahi zihitsa tsumuēhĩtsa pe niy: — O kytsa katse ahape my zeka hyĩ tsimaha — niy.



Iwaze Sesus zihitsa tsumuēhĩtsa pe niy:
— Pihik ty susutaha! Pihiksuk
tyzihareknahaktsa! — niy. Hyĩ niaha.
— Pihik ty zak bo tu tyharektaha.



Iwaze pihik ty zihitsa bo nyny tsimaha
— ispe niy. Hyỹ niaha. Iwaze pihiksuk ty
okok maraksu maraksu nikaranahaze
iwaze zihitsa bo wabehyryk niy.



Pihik tu duabohotsa tsik niyzik. Zihitsa ziakpy. Zihitsa batu inyhy. Aty sa pihik duabohotsa tsik nizuknihik anahi batu inyhy. Sitsumuēhĩtsa zuba zinymyrykynaha.

Niytahi zihitsa tasukzakata pe niy: — Taparaka kytsa bo duabohotsa tsik tisapyrēna situktsa bo nyny ziknakaranaha.



Bykyze tahasoroknahaze zuba duabohotsa tsik isapybara ty situktsa bo nyny ziknakaranaha. Ikiakta batu. Aba zuba ikia duabohotsa tsik tisapyrēna tsipokzitsarēna mybo nyny tsiky — niy.



Iwaze Sesus zinyrynahatsa ihumo sispirikporētsa.

— O atahi Deus zikwy ziwatawy —

nikaranaha. Tapara Deus
zikwy Kanaã eze ktsa bo
ziwatawyky. Kanaã


Karireja eze niy. Anaeze
hi Deus zikwy Sesus tuk
niapykyryk
niy.



Kyze Sesus Peduru wahoro bo niy.
Inatsukze tsaikbatatsa Peduru wapyry
ihumuẽzumu ibo iktsa niy. Atatsa
tawanu eze nihoekik.



Iwaze Sesus iwanu bo hamuba itsyhyrype humo paik
niy. Itsyhyrype humo paik niyze nizeroro.
Ihumuẽzukbyitatsa tu idisahawy ty ibo nyny niy.




Kyze zunubazoze Sudeu byrywy nepyk iwaze
Kaparanaũ ezektsa simyitsapyritsa Sesus bo
nasioktyhyryknaha.
Kytsa sipiakmyitsa
hyrikosotsa
simysapybaratsa humo
sibo pororo
ziknakaranahatsa.
Asa kino Sesus bo
nasioktyhyryknaha.
Kytsa ape baze
sizubarẽtsa
wahoro peze
niriktotohokonaha.



Iwaze Sesus meky mekywatu simyitsapyritsa ty nisizororowyky. Sihyrikosotsa sapybaratsa hi nisiksiwyhik. Ispe: — Nabo pãotaha — myze iharere bo hyỹ sisopyk niaha. Hyrikoso sapybara Sesus humo sihyrinymyrẽtsa atahi Deus zipehata zinymyrykynaha iwatahi Sesus ispe niy: — Soso byitaha — niy. Iwatsahi batu harere.




Myzubaha Sesus zibyby tsihikiknaha. Iwatsahi Sesus zikwy humo nizerorokonaha. Deus harere humo nisizeroroko. Sesus zikwy humo nisizerorowyky.



Iwaze ustsá kytsá izumukunaha. Sapetoktsá sapetoktsá
ahatsá izumunaha. Ityryk niakbata hi ibo
izebykyryknaha. Batu hawa tohi zikaha.



Kytsa sizubarētsa izihyritzabaiknaha.
Iwatsahi batu Sesus bo zuk niaha.
Iwatsahi wahoro harapu nidokoknaha.
Zipeksykiknaha. Zipeksykiknahaze
ityryk niakbata hi iwanu bete
inaripiknaha. Sesus bo
imyitsapyrita
inaripiknaha.



Iwaze Sesus iharereziuwytša pe niy: — O kytsa, “Sesus myhumo tsimypokzitsiukrēta” tsimaha. Iwatahi ikiahatsa humo kakurēta — niy. Iwaze ityryk niakbata pe: — O katukytsa wata “Kamysapybyita” tsimykara. “Deus harere bo batu yhỹ mykara” tsimy. Iwahatu paokzohik.


Asopyksapybyita tu tsimykara paokzohik — niy. Ityryk niakbata pe tihi: O papeha. — Kyiktykta! Awanu ty pohyrykty! Tsiksikta!



Iwaze tsaraha bo takorohyk. Zinymyrykynahatsa ituk kokokorohyk niaha. Atsoko zopoktsa nabybyknaha. Hyritsik inawõkõ. Pihik ihiridawy wa niukuru. Pihik ty asiba tsaraha inaharek. Asiba nitaboknaha. Sesus kino tsapukteze zurubaka.



— Amy pokso ahapybyrētsa. “Sesus batu imypokzitsiu”
tsimaha — niy. Kyik niy: — O zopoktsa akso byitaha!
Niwazuba, pihik pykty! — niy. Zopoktsa atsoko paỹ
niaha. Pihik atsoko nitsikyrituhudi byri. Jakara zikbohota
bo mahani itsikpepepe zuba.
Kytsa sipybyrētsa tahapetu
sisopyk: — Atakta
Sesus aty skaraba.
Zopoktsa pihik aha



iharere humo ziwabynaha
pyk niaha. Aty skaraba
Sesus — niaha.



Yh̃y, Deus mybarawy ezeiksa humo
tsimypokzitsiarẽta. Nawatsa humo
tsimypokzitsiarẽta babata. Iwatahi
tatse zipeha. Estuba zuba itse
babata.



Asaktsa kahumo mospirikponaha
zeka Deus tuk mynapykyryknaha, ituk
tahawahi mozurukunaha. Deus tuk
mynapykyryknaha ba
zikykbazonaha.



Homanos 3:23 Batu aty tohi imysapyrēnikita Deus wata my. Astsabanitsa mysapybyitsa tsimynakaranaha. Batu aty tohi Deus wata my.

Homanos 6:23 Asaktsa sisopyksapybyitsa mynakaranaha humo mohyrikosokdanahaze Deus tuk ba zikokpykyryknaha, sisapy metutu batu Deus tuk zikaha. Ustsaktsa Sesus harere bo hyĩ mykaranaha Deus tuk tahawahi mynapykyryknaha. Simysapyrētsa iwaze Deus mysisapywyky ana humo hi ituk mynapykyryknaha. Asahi Sesus Kiristu tuktsa iwata mytsaty mykaranaha. Iwaze Deus kytsa bo mysisapywyky. Sesus namy huak mahaka kytsa ba kōpara zikaha, Deus hi Sesus tuktsa bo nyny isopyk ituk tahawahi mynapykyryknaha.



Ebereus 9:27 Nawatsatu tsimyhyrikosokdanahaze Deus metutu mymysapy. — Ata hi my: “Asakta wasani my. Utsa batu simysapy my” — my. Iwa myhuak ty mybo nyny my, asakta Sesus harere bo yh̃ ahabyitsakta sinini ykarawy bo mysipehahik.

Epesios 2:8,9 Deus myhumo tsimypokzitsiarēta iwatahi mymysapywyky. Sesus izumuze tazo bo mymyoktyhyryk niy. Katsa zuba zeka Deus bo ba zikumunaha. Iwatahi Deus myzo Sesus zipehahik atahi Deus bo mymyoktyhyryk ihumo zuba Deus tyryktsa tsimoziknaha h̃. Katsa ibo batu amy tohi ihuak ty nyny zikaha. Deus zuba isapyrēnikia ty zuba mybo nyny niy. Katsakta Deus tyryktsa tsimoziknaha. Deus hi tatyryktsa nimysukniwy iwatsahi katsa batu tyso. — O mysapyrētsa iwatsahi Deus tyryktsa tsimoziknaha — tsimaha. Iwa batu aty tohi tyso. Deus zuba katsa ityryktsa nimysukniwy Sesus humo Deus bo mymyoktyryk my.



Homanos 10:9,10 Kytsa aparakbaha bo ikiahatsa tihi:
— Sesus Kiristu mypehakatsa — tsimaha. Ana harere
tsimytsasokonaha zeka Deus pahabetesaka. Deus Kiristu
zihyrizikpowy ata harere bo hyĩ tsimaha zeka Deus
pahabetesaka hĩ, iwa Deus bo pahaoktyhyryk.
Katsakta Sesus harere bo hyĩ tsimykarannahaze Deus
mype niy: — Kaokze ka Kiristu humo ahamysapyrẽtsa
tsimoziknaha — my. Tsimytsasokonaha zeka Sesus Kiristu
mypehakatsa my iwazeka Deus mobetesaka,
mymysapyrẽtsa tsimoziknaha.



Suão 3:16,17 Yhỹ, Deus mybarawy ezektsa humo tsimypokzitsiarẽta. Nawatsa humo tsimypokzitsiarẽta babata. Iwatahi tatse zipeha. Estuba zuba itse babata.

Asaktsa kahumo mospirikponaha zeka Deus tuk mynapykyryknaha, ituk tahawahi mozurukunaha. Deus tuk mynapykyryknaha ba zikykbazonaha. Deus tatse izipehaze myhumo iakyri byita. Ba kaeze ãryk zikahasapynaha. Iwatahi uta mozumuze kazo bo pahaoktyhyryk niy iwaze mybarawy ezektsa humo batu iakyri.



1 Suão 5:11-13 Deus harere bo wabyziutaha! Deus:
— Katse ahasapyzekenihyrikosokda anahumo hi mekywa
tu tsimyzurukunaha! Sesus tuk tsimyzurukunahaktsa!
Tsimyhyrikosokdanahaze katuk ahawahi
tsimynapykyryknaha — niy. Asahi Deus tse humo
sispirikporëtsa meky watu moziknaha. Sesus tuk
mozurukunaha. Myhyrikosokdanahaze Deus tuk tahawahi
mynapykyryknaha. Sispirikpobyitsa batu. Sesus zikwy situk
ba zikapykyryk mohyrikosokdanahaze batu Deus tuk
zikapykyryknaha. Nokponi mynapykyryknaha sinini
ykarawy bo tahasapynaha. Ahabo ziwatahaka. Ikiahatsa
Deus tse humo ahaspirikporëtsa iwaze meky watu
tsimoziknaha. Sesus tuk tsimyzurukunaha.
Tsimyhyrikosokdanahaze ahawahi Deus tuk
tsimynapykyryknaha hỹ. Iwatahi ahabo piwatahaka.



Mateus 8-9; Marakos 1-2, 4; Rukas 4, 8; Suão 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Rikbaktsa NT (rkb) © 2011, Wycliffe Bible Translators, Inc.
All rights reserved.

www.bible.com/bible/669/MAT.1

©2025 Bible for Children, Inc.

www.M1914.org

www.bibleforchildren.org

